

'Terpulang PM, perbincangan jika ada keperluan'

BH - 6/11/2020 mkl: 2

Pemilihan pengganti Maszlee perlu ikut manifesto PH: Anwar

Oleh Mohd Anwar Patho Rohman
wananwar@bh.com.my

Seri Kembangan: Pemilihan Menteri Pendidikan yang baharu perlu dibuat mengikut semangat dan manifesto Pakatan Harapan (PH), kata Ketua Umumnya, Datuk Seri Anwar Ibrahim.

"Ini kerajaan PH. Kalau dalam PH, ikut semangat PH, manifesto PH, itu lebih utama," katanya pada sidang media selepas Majlis Penganugerahan Murid Cemerlang UPSR 2016-2019 Sekolah Tamil Selangor anjuran Yayasan OMS, di sini, semalam.

Beliau berkata demikian apabila ditanya sama ada wajar bekas Ahli Parlimen Barisan Nasional (BN) yang melompat parti dan menyertai kerajaan, dilantik mengisi jawatan dikosongkan Dr

Maszlee Malik.


Media sebelum ini melaporkan, antara nama berpotensi menggantikan Maszlee termasuk bekas Ahli Parlimen BN daripada UMNO, Datuk Seri Mustapa Mohamed.

Maszlee yang juga Ahli Parlimen Simpang Renggam dan Ahli Pimpinan Tertinggi (MPT) Parti Pribumi Bersatu Malaysia (BERSATU) mengumumkan meletak jawatan Menteri Pendidikan, Khamis lalu.

Sementara itu ketika ditanya mengenai ura-ura nama beliau disebut bakal menggantikan Maszlee, Anwar yang juga Presiden PKR berkata: "Saya tidak masuk dalam senarai."

Anwar menegaskan, pemilihan pengganti Maszlee atau kekosongan jawatan menteri secara konvensyen adalah mengikut budi bicara Perdana Menteri dan perbincangan mengenai pengisian jawatan Menteri Pendidikan oleh pemimpin PH hanya akan diadakan jika ada keperluan.

"Terpulanglah kepada Perdana Menteri dan kepemimpinan PH jika perkara itu perlu dibincangkan. Tetapi pada pandangan saya, kekosongan (jawatan menteri) sentiasa diisi berdasarkan

 **Terpulanglah kepada Perdana Menteri dan kepemimpinan PH jika perkara itu perlu dibincangkan. Tetapi pada pandangan saya kekosongan (jawatan menteri) sentiasa diisi berdasarkan kebijaksanaan PM.**

Anwar Ibrahim,
Ketua Umum PH

kebijaksanaan PM," katanya.

Beliau yang juga Ahli Parlimen Port Dickson turut yakin Maszlee mempunyai masa depan dalam bidang politik walaupun tidak lagi menjadi menteri.

"Beliau masih muda dan sudah tentu ada harapan. Banyak orang berhenti (politik), tetapi patah balik. Perdana Menteri pun pernah berhenti, tetapi patah balik. Saya berhenti, pun patah balik," katanya.